

道教靈驗記卷之一

廣成先生杜光庭

宮觀靈驗

饒州開元觀驗

饒州開元觀舊在湖水之北去郭一二里巨

殿層樓迴軒廣厦枕湖有水間松徑有虛亭

松竹森疎花木秀茂郡人避暑尋春為一州

勝賞之所其後道流既少廊廡摧損唯上清

閣大殿齋堂三門皆在里中民庶多葬於觀

地之中壇殿之外盡為墟墓矣大中二年郡

○中夜聞千萬人聲如風雷之響及明見開元

殿閣門堂四十餘間移在湖水之南平地之

內其所布列形勢遠近殿閣相去與舊觀不

殊太守上聞請易其名額以旌神異詔旨依

舊為開元觀只改上清閣為神運閣別命宗

修遠近歸心爭捨美利遂加繕葺觀殿鼎新

記云所移之地逾超二里水越一湖出自神

功事實

聖感是也

興元北達山老君觀驗

興元北達山老君觀即公墓化也去南鄭隔江上古相傳有之云是老君化行之所漢祖起師漢中將收散關定三秦差官告祭留侯張良有筆跡近方磨滅鎮南將軍保益二州牧張魯理漢川行正一之法別崇室宇構壇殿靜堂臨老君水源為巨閣水有神龍居歷代所依每彰靈應太師楊守亮失守之後再還梁城廨署多已焚毀撤聲瓦木增置公衙有吏請取老君觀材瓦以備公用差吏將毀之鄉里之人請眾備瓦木之直充贖其觀或云屋宇者年材瓦皆朽不任選用吏拒而不聽即命工昇屋俄有巨蛇長十餘丈蟠踞屋上張口向之吏殞工墜斃者數人奔進而去太師怒命焚之軍士鼓譟而至鄉里言其靈亦越趨不進去觀百餘步迅雷震電大雨盆注軍士驚怖而還觀今存矣

洋州素靈宮云漢武帝為素靈夫人降真內殿於太白之前為築宮宇即其地也年代遠遠遺址僅有我唐高祖既至長安受隋恭帝

禪是歲夢素衣神人云我太白之主也居素靈臺以荒毀為告詔訪其地特創臺殿命為素靈宮開元中傳天師曾奉詔齋醮於其上德宗幸梁洋欲駕幸其地又加營飾由是材石之功最為宏壯馮行襲自金州達統洋州武定軍命其子守之欲毀素靈屋宇以修公署工人揭瓦皆有毒蛇居於甍中莫知其數竟無所措手以事白焉馮子怒使吏焚之爨薪炷火而雷電大震風雨總至羣吏奔駭數輩死之靈跡歸然無敢犯者

上都昭成觀驗

上都昭成觀明皇為昭成太后所立在頌政里南通坊內北臨安福門街與金仙觀相對觀有百尺老君像在層閣之中坐折三十尺像設圖績皆吳道子王仙喬楊退之親跡命

天下道門使蕭邈字玄俗為使以董之閣上舳棧高八尺兩廊簷雷去地三十餘尺京師法宇最為宏麗唯玄都觀殿可以亞焉僖宗復長安大駕歸闕所司將創衙殿復舍元舊基不欲勞民之力遷殿宇之高丈者徙而充

之所司奏折是麻及開墮墜工者十餘人死之時以為靈驗欲奏免之而竟至摧折像靈風雨中是冬復幸陳倉令元之製亦已罪矣識者見之無不痛惜

青城山宗玄觀驗

青城山宗玄觀古常道觀也在黃帝受錄壇前六時巖側後為僧徒所侵移觀於山外遂以其地置飛赴寺僧徒栖止常有神人所授或飛石壞屋或撒其門牕投於崖下寺中巨鐘三度擲於谷中每一取之所費功力殊廣僧知其不可住亦多苦之開元十九年道士王仙卿奏請移觀還舊所寺出山外詔益州長史張敬忠命道士王仙卿高品官王懷景專檢校移觀入山仍賜金仙玉真二公主道像石真鎮於龕內黃帝真文幢陰道山文碣手詔碑皆立於觀所自是道流居之雖一人獨處坦然無懼感通末道流既闕觀已荒摧但有尊殿石壇而已叢篁拱木偏於基址之上侵及階簷有僧輩二人來止其內復欲移置飛赴寺栖息月餘潛計已定將毀壞像設

而奪其地焉自是夜臥則有巨蛇橫其腹上書飯則有飛砂投其食中或見巨手如羊毛脚若柱或有喙鳴之聲響於谷內或有隕空大石墜其屋前二僧驚懼奔馳而去乾符已亥歲縣令崔正規道士張素卿重與觀宇駕幸西蜀遂奏為宗玄觀准詔修齊有神燈徧山靈鐘自響金蛇見於壇上枯松再生於山前手教褒美編其事於國史及幸蜀碑內每因良宵奏然則仙聲吟於空中落帥投龍則卿雲凝於林表信乃神仙與府豈庸徒之可侵哉

城南文鉢臺驗

文鉢者長安人也父母令於別業讀書為學於莊前堆阜之上置書堂焉而性本踈誕不樂文字但與隣里少年彈射飛鳥捕格野獸以為戲樂至於笈笥之具厨羅之屬弋網宜畢弓矢施刃靡不置之數年之間殺獲不可勝紀或有道士見之謂曰子之頭何遽變也鉢驚而問之乃引於臺下令其窺并照之自見其人形而獸頭矣欲求道士悔謝更令熟

視井中頃刻之間身形不改而頭已百變或鳥或獸或蛇或魚鉢見之異常憂懼道士曰萬物營營各食其生至於飛動皆重其命爾反天道而殺之當有此報耳每變一頭則受一生終爾所殺之數一一償之積月累日計

其壽限自此之後爾身則死乃歷生異類之中報所殺之命百千萬年未有還復人身之日鉢號泣求救願焚弋獵之具以謝前愆洗心改悔不敢又犯道士見其誠至乃謂之曰我奉太上之教歷救眾生之苦名曰救苦真人爾有昔緣早合遇道此若不救淪陷無期乃以道士水與之令其終身修道陰功救世廣濟物命方免前罪道士即躡身而起去地數丈立於金蓮花上左執瓊碗右執柳枝金冠鳳履身逾三丈通身有五色之光上連天表照耀一川逡巡乃隱文鉢焚羅網之具拔道士水於其處立殿製所見之像畫夜精勤焚香懺罪居十餘年又感真仙授以藥訣令遊行海內救人疾苦後乃得道而去其所居處相傳號曰文鉢臺而救苦天尊之像猶在

忽有僧數人遊行見之曰既是文錄聖跡何得有道士功德固知道士無良使我古跡已多年矣因拔得大木二僧共擊其項未能致損用力甚困二僧少歇看天尊所傷之處並已如舊二僧口耳鼻項痛楚極甚及看其手亦已折矣旬旬號呼告於眾人自述其事良久而死

蜀州紫微閣驗

蜀州唐興縣大通觀有紫微閣是開元中道士蔡守冲以敕賜西帛所造歲月深遠廊宇門殿相次摧損而此閣存焉中和年阡陌侵陷郡縣里人羅生父子素懷凶狂忽焚其閣人皆痛惜莫暇救之賊既蕩平閣里相賀於閣基之上率眾置齋當法事之際羅之父子旬食於衆中亦有憫而救者忽一人謂之曰汝於危亂之中不能自逃性命無故焚燒此閣用功巨萬古跡多年汝一旦滅之不懼神理所誅更敢於此求乞此人言訖父子二人踊身丈餘撲於地上如此五六度聲聲號叫送巡乃死衆人看之骨肉皆散矣

成都青羊殿驗

青羊宮中和壬寅歲准敕置己酉年臘月重圍屋宇壇殿固以鼎新矣是時城外屋宇且焚且毀其殿有巨楹一條十夫之力方可昇拽忽有一官健云我能獨力舉之衆以為笑果能擔之入城有問其買者曰此材可惜欲置於殿真觀中答曰要支持作崇施與道士何所益遂拔斧而斫之舉刃未下忽覺臂痛投斧於地頃刻而死其隣巷同取木者云青羊老君殿衆不欲折之此官健號今諸人下手先折初有大蛇從座下而出此人已拉殺之功德尊像亦遭其摧損此之異死蓋神理所殺量其少壯豈人能害之耶衆皆歎之異其概經年猶在後不知所之耳

亳州太清宮驗

亳州真源縣太清宮聖祖老君降生之宅也歷殷周至唐而九井三楹宛然常在武德中古楹再生天寶年再置宮宇其古跡自漢宣漢桓重修營葺魏太武隋文帝別投規模邊韶薛道衡為碑以紀其事唐高祖太宗高宗

中宗睿宗明皇六聖御容列侍於老君左右兩宮二觀古楹千餘樹屋宇七百餘間有兵士五百人鎮衛宮所咸道中龐勛據徐州十道徵師招討長圍將合龐勛恐力不支久還領徒二千餘人徑來欲奪宮所據為營壘是日避難士庶千餘家咸在宮內見黑氣自井中出良久昏暈一川老君空中應現龐勛徒黨迷失道路自相蹂踐斬水橋斷盡溺死水中遂巡開霽賊黨無孑遺矣廣明中黃巢將領徒伴欲焚其宮亦有黑霧徧川迷失行路又有旱賊徧地自欲凌毀太清宮迷路乃往亳州熱下同圍逼州城攻打彌急刺史潘稠望宮父香以希神力救獲項之黑霧自宮中而來向繞城外腥風毒氣聞者頓仆雲交至寒深異常死者十有五六初攻城之時有神推無數衛接箭投於地中賊輩已加驚異既而城內朗晏城外風雪殺人懼此神力解圍而去尋亦散滅潘稠奏云自大寇犯關之後羣兇誅殄已來大小寇逆前後一十八度欲犯太清宮或迷失道途或龍神示見終挫

究計宮城晏然所庇護居人不知其數請移
真源縣就宮安置敕有恐移縣就宮必多穢
漕縣依舊所宜准萬年例昇為赤縣仍降青
詞修齋告謝也

昌明縣孟津觀驗

綿州昌明縣孟津觀在郭外隔江山頂之上
殿堂崇設臺閣隆高下瞰長川低臨井落亦
一邑之形勝矣太尉平陽公既剋東川創為
節制焚燼之後公府闕然不欲力役疲人修
飾解署昌明鎮將實生申狀云孟津觀去縣
隔江通流數少俯臨水路船筏皆通請拆觀
舍及瓦作棧般載便於事機太尉持疑未注
修造便亦言事急且借公府力辦可以起造
却遣乃許之實生領工巧人就觀毀拆房
廊屋舍已一十八間般於江上縛筏載送其
大殿及三門五聖閣瓦中皆有毒蛇下手不
得實生是日便覺腿膝疼痛似患虎風旬日
之間斃斷一腿太尉知之以其本送城北開
元觀竟以不用
道教靈驗記卷之一

道教靈驗記卷之二

廣成先生杜元庭集

宮觀靈驗

周真人上經堂基驗

周真人名太玄陶隱居弟子也年二十一歲
得道先於隱居證位其所居即今紫陽觀處
茅嶺之前平陸夾塔實為福地堂側一片地
稍高如舊屋基而無甍覓蹤跡太玄於其上
植花木時見有人高冠褒衣或三或二亦有
介金之士明月靜夜立於其中家有小兒名
小豆纔五六歲遊戲其上逡巡有人送置庭
中如是者數四而無傷損一旦問陶君說此
祥異陶曰晉朝許君舊宅乃上經堂基正當
其地速作靜室為焚香之所不可褻瀆也太
玄因問上經所安之地何神明如此耶陶曰
三洞寶經所在之地萬靈侍衛百神朝揖豈
可不專之耶太玄曰真經已去其地久虛而
猶真靈衛之耶陶曰上經所安之地地祇守
之七百年法宇之地千年正一所安之地善
神護之三百年經法雖去年限未滿所以然

耳太玄遂作靜室每旦夕香燈而不敢於此
宣朝拜存修恐法位尚卑有真凡之隔爾

南嶽魏夫人小壇驗

魏夫人壇在南嶽中峯之前巨石之上是一
片大石方可丈餘其形方穩下圍上平淨寄
他石之上嘗試一人推之似能轉動人多即
屹然而定相傳以為靈異往往神仙幽人遊
憩其上奇雲靈氣彌覆其功忽有衲僧十餘
人乘岸挾杖夜至壇所欲寄候仙姑入其居
處仙姑在林上而僧不見乃出詣壇所推壞
夫人壇轟然有聲若巨顛墜迴焉照之元不
能動知其靈異奔避遁去及明有至遠村者
太都不過走十餘里十人同志九人為虎噬
殺一人推壇之時不同其惡遂免虎害乃以
其事白於村鄉之人遠近驚異焉

洪州錢柱驗

洪州錢柱神仙許君所鑄也晉朝豫章有巨
蛟長地水獸肆害於人許君與其師吳君得
正一新邪三五飛步之術制御萬精自潭州
井中奮劍逐蛟出於此井君出謂吳君曰此